

重修夏津縣誌序

余自雍正八年冬來署夏津縣
事至乾隆元年夏蒙

恩實授茲邑先後十二年間凡
一縣之中幅員之廣狹道里之
遠近村落之聚散戶口之盈縮

夏津縣志

序

一

土性之肥瘠生殖之多寡天時
之豐歉人力之勤惰風俗之淳
薄文物之盛衰足之所至目之
所歷耳之所接心之所思靡不
周循而計慮焉然而古與今有
異制也時與勢有殊形也以余

一人司牧黎元奉令承教其何

以使政治之行有得而無失歟
其何以施之於今而宜準之於
古而無愧歟其何以時與勢不
能使之不分而治人與治法能
明乎補救之方審乎因革之故

夏津縣志

序

二

又可以信今而傳後歟若此者
視一縣之有誌庶乎知古今之
代嬗而時勢之有不同也詳政
治之所出而得與失可為鑒也
北齊史循吏傳譏當時守令之
徒不識治體無聞政術非惟暗

於前言往行誠不為誣然則後之人其於此可忽乎哉余深用自懼乃一日者進邑之僚友紳士而謀之曰縣誌之不修也久矣非不修也誌始自前明嘉靖中易公愧虛創草頗為簡盡涉

夏津縣志

序

三

訖明之世無聞焉 國朝一再修於康熙癸丑癸巳乃任事者或因陋而就簡或刻期以速成雖修猶弗修耳夫誌者古今言行得失之林而時勢之因革損益補偏救弊於政治為尤關者

也其曷修諸衆皆曰諾余乃作而言曰誠如是書云政貴有恒辭尚體要殆不可易矣發凡起例列目提綱舉事直書而是非自見者良史才也發潛德之幽光誅姦諛於既厄勿隱勿飾願

夏津縣志

序

四

廣文竹園梁君任之網羅放失搜採遺文訛者正缺者完且凡一字之傳一行之善必毋遺毋濫此當分任其責者也惟諸生王子坦夫陶子上佩等司之庀材鳩工有公捐而無私派在衆

紳士共任之而余以簿書之暇
往來其間雖不敢謂踵事而增
華變本而加厲第少寄討論以
樂觀此誌之成也抑何厚幸欤
始乾隆五年庚申初夏越明年
夏五月余首割廉俸授梓開雕

夏津縣志

序

五

至秋九月事將告竣竹翁乃屬
余序其緣起余嘗閱阮亭司寇
長山縣誌序歷稱前明康海誌
武功崔銑誌安陽以其思精而
體要文贍而旨微微因革知要
害物土宜察風俗有當於禹貢

周禮之遺又都元敬稱安福顏
德侔陝州志得古人序述之體
登封令李君新誌去取甚嚴敘
事有法余皆無論其文字之高
古視此何如而敘事之法要不
越此且前言徃行具在簡冊今

夏津縣志

序

六

試述稽古昔鏡考來茲將浚之
人其遇有因革之際行補救之
權時與勢雖有古今之殊而政
治之得失未必不對斯編而知
所据依也謹序

乾隆六年歲在辛酉冬十月朔

夏津縣知縣宛陵方學成武

工氏并書



夏津縣志

序

七

夏津縣志重修姓氏

總裁

文林郎夏津縣知縣加一級紀錄四次方學成

纂修

修職郎揀選知縣管夏津縣儒學教諭事梁大鯤

叅閱

修職佐郎夏津縣儒學訓導王垣

登仕郎夏津縣管河主簿唐上衡

校刻

登仕佐郎夏津縣裴家圈巡檢司巡檢趙世泰

夏津縣志

卷首

八

夏津縣典史陳邦勳

較訂兼採輯

邑廩生王訢

邑廩生陶珩

邑廩生梁沛

邑廩生宋琚

採輯

選貢考補正黃旗教習期滿候選教諭姜叔琬

廩膳生員考中壬戌科歲貢王友文

邑廩生鄒郡

邑	廩	生郭克傑	漢三
邑	廩	生王繡麟	振
邑	廩	生王履實	端
邑	庠	生馬鉉	聚也
邑	庠	生曹名臣	公弼
邑	庠	生杜湘	陵江
籍稿	庠	生張景房	良仲
邑	庠	生張	銓相
邑	庠	生曲九齡	鶴亭
夏津縣志	卷首	九	

夏津縣志目錄	卷首	序文	目錄	凡例	圖考
卷之一	疆域志	目凡八條	星野	沿革	延袤
卷之二	建置志	目凡十條	城池	公署	街市
夏津縣志	卷首	十	廟普濟	舖舍	武備
卷之三	學校志	目凡十條	學規	學宮	歷代隆儀
義學	社學	釋奠禮樂	書籍	學田	國朝聖典
卷之四	食貨志	目凡八條	戶役	田賦	起存
稅課	驛遞				

夏津縣志凡例

一舊志創始前明嘉靖庚子 國朝以來康熙癸丑奉文重修當事者因檄令督促又惜工費乃減削原志畧輯 本朝職官科貢等類竄置其中以應故事迨癸巳奉文再修復因循陋習此舊志訛缺所由多而考補訂正不容已也況癸巳距今歷年三十制度人物變更不少不有纂述曷昭示將來故因事增修以備柱下之徵

一癸巳志六卷惟有地理食貨官師公署學校選舉名宦人物惠政祀典災異藝文雜志十三條而大半有

夏津縣志

卷首

三

綱無目今易地理一綱爲疆域以首列星野地不統天也官師改稱官守示戒也名宦卽官之不失其守者故繫之若惠政則改政蹟至倉局與公署皆建置中事也秩祀亦僅典禮之一節舉其偏則所遺者多矣故新增建置典禮二綱以統其全至於食貨學校選舉人物藝文雜志六條綱雖仍舊目亦另列共分爲十綱七十五目合成十卷總期詳核清晰以免率畧之譏

一疆域不列山川邑無山歸川於河道紀實也特增巡幸一目紀異數也建置增武備一目以器械整堡

并屬營建且捍衛城池保護倉局應以類及也

一學校亦建置中事另列一綱十目者重之也且歷代隆儀與 國朝盛典凡所爲禮明而樂備者下邑多未及考備著於冊所以便肄習也

一食貨舊志不載賦役登減之詳茲據府志與古碑並現行則例凡一切正雜等項皆確覈而悉書之以毫忽抄合罔非斯民膏血不敢忽也

一典禮秩祀一條舊志多云未詳茲皆表其由來所以明崇報也公儀講約迎春耕藉與夫飲射賓興均係鉅典宜列掌故因併及之

夏津縣志

卷首

十四

一官守志先列封爵職官以備參考次名宦次政蹟以寓景仰至舊志以魏黨李精白竄入名宦殊非所以示勸今削之而節敘其治邑之善政頗爲瑕不掩瑜又舊志自嘉靖十九年以至明季僅載縣令五人學博典史各二人餘俱遺其姓氏今遍爲搜羅共增入前代職官一百四十二名又其中有升祀名宦二名皆註云見某處所以傳信也

一舊志選舉不列徵辟甲乙榜姓名科分亦多遺錯甚至前明制貢萬曆四十八年之間僅載五人則其疎漏尚堪言哉今補其遺者三十餘人他亦頗爲訂正

惟無考者則仍舊蓋古史闕文之意農官 國朝特典義不容泯且例貢監舊志已登不便削去殆亦所謂有其舉之莫或廢也閱者諒焉

一舊志人物鄉賢而外僅列孝義一目今分忠義孝友隱行為三似較明晰至於前代鄉賢補其遺者四人必註云見某處示慎也忠義孝友隱行以及列女共續增六十餘人皆由採訪各生呈報到學又取具族長甲鄰冊結牒縣覆准方敢登載不敢遺亦不敢濫尤慎之又慎也

一雜志舊列藝文之後又與災異各為一條今以災異

夏津縣志

卷首

七

為雜志之目則其事蹟皆關一邑安危故先之也又藝文新增為多然必係邑風土足備考徵乃敢採錄非徒以其文也否則文雖鴻麗亦罔敢泛收致災梨棗

一嘉靖庚子與康熙癸丑二志原板已燬無存癸巳志又多訛缺不足為據因以續修而任創造之勞列目提綱另為編纂蓋有不得已之意焉非故欲翻前人成案也然才識疎庸見聞寡陋雖極力搜輯不敢保無遺錯之處補缺訂誤仍有望於後之君子
一茲志刊刻工費浩繁紳士捐項不足半係 邑侯松

台方公墊支乃竣其事使守藏不謹致有散佚非所以垂久遠也板成議貯縣庫仍祈新舊接任官留意交盤庶茲志永存即此舉不朽而闔邑生靈之精神命脉亦實式憑之

一邑志數十年之後必需增修然土地人民政事有變有不變變者增輯不變者仍舊可也查恩縣舊志六卷成於萬歷戊戌 國朝雍正癸卯增輯百餘年事蹟另為志五卷名曰續志與舊志相合並行實為省便茲志既成後閱數十年可否倣照恩縣續修之例以省工費統俟來哲酌定

夏津縣志

卷首

六

一茲志十卷凡閱十八月乃成其廣詢博採同學諸子之力居多而刪潤裁定則皆出 邑侯方公松台明府手也至於編輯筆舛予實在之無所逃罪後有作者雖存原板亦當於續志中辭而闕之無誤千百世以重予之咎則感且不朽


夏津縣教諭不夜梁大鯤謹識

七





十八





卷首


十九



夏津縣志

卷首

羊






夏津縣志

卷首圖

三




夏津縣志

卷首圖

三

寶塔玲瓏



柳城曉望

鄭金集





夏津縣志

卷首圖

三


馬頰新虹



夏津縣志

卷首圖

二




夏津縣志

龍潭煙雨

卷首圖

孟



雲寺清涼





夏津縣志

衛河古渡

卷首圖

美





夏津縣志

卷首

七



錦川晚眺

夏津縣志

卷首

八



義塾岩碑



凡縣邑誌於城市山川皆有圖蓋古聚米成山按圖索駿取其瞭若指掌一覽可得也夏邑前薛侯有八景詩余欲為之補圖而寶塔一見城內弥陀寺一見城北八方塔惟皆十二級稱其玲瓏工巧但久並廢燬無存未定版所滋詢之里老知城東演武場東南堤頂舊有塔一座久圯今文昌臺奎星樓俱已完廢此塔適在縣學之其位有闕一邑文風當修復之因想象指示命工摹寫與諸景共列冊中以存饒幸之意云抑余嘗閱山海經載東昌訪云夏津不撞鐘高唐無北門撞鐘人頭痛閉門生惶虫今果有鐘在弥陀寺東樓其頭痛與否不可知然度置至今無撞之者此亦一古蹟也雖不必圖第樓以歲久恐就圯應修并附識焉宛上方學成履齋氏書

夏津縣志卷之一

疆域志論

星野 沿革 延袤 形勝 河道 古蹟
風俗 巡幸

自班固前漢書作地理志後來諸史或稱郡國或稱州郡或曰地形或曰職方而梁陳北齊周書又或缺焉雖其名不一要之志郡縣者皆倣而行之蓋以一邑之中必有此疆彼界之分志之知所以慎綢繆而厚土宇也而況有分星以昭天戒形勝以重防禦延袤以計道里沿革以載廢興古蹟以徵舊聞巡幸以備盛典其事皆關夫一邑之掌

夏津縣志

卷之一

一

故而不可一有少缺也乎此余於夏津志首重疆域者此也且昔者先王之化民也以五方土地風氣所生剛柔輕重飲食衣服各有其性不可遷變是故疆理天下物其土宜知其利害達其志而通其欲齊其政而修其教故曰廣谷大川異制人居其間異俗夏之風俗舊稱質直好義俗近敦厚又曰家知禮遜士習詩書夫使今而有加於昔也當益思所以繼其美如一或有異必思所以救其偏班固曰凡民函五常之性而其剛柔緩急音聲不同繫水土之風氣故謂之風好惡取舍動人亡常隨君上之情欲故謂之俗然則欲民之變世而易俗亦上與下交有其責者也

彭又當謹志之若乃水利之說爲西北患也久矣漢元光中河決清河靈鳴犢口而屯氏河絕成帝初因郡尉馮遂奏言遣視屯氏河溢又地節時郭昌穿直渠後三歲河水更從故第二曲間北可六七里復南合今其曲勢復斜直貝邱百姓寒心按屯氏河故在縣境中而貝邱又直縣東北夫屯氏當漢時已不能洩上數河之水霖雨旬日必盈溢況今已久淤又其流上下皆逆接運道邑之西北所處窪下運河水暴漲惟高增隄防終不能泄而東南所居地高別難分流殺水力余十餘年來歷相形勢周諮父老非不欲爲百姓除菑浸謀沾溉也曾輩氏曰水莫大於四

夏津縣志

卷之一

二

瀆而河蓋數徙失禹之故道至於濟水又王莽時而絕沉於衆流之細其通塞豈得而常若以後世講求水利者必務躡古人之遺跡不考夫山川形勢古今之同異用力多而成功少夫亦無可如何也故於邑之河道皆詳著於篇宛上方學成撰

夏津縣志 卷之一

疆域志

星野

星野之說昉於周禮保章之篇下逮左國史漢諸家莫不推步象緯以資占考蓋陰陽之氣通天人而一之故政事有得失斯列宿有妖祥感應之機如影隨形不爽毫髮夏邑雖屬偏隅戶不下三萬地亦列職方而敢謂天無分星以示休咎其忽之耶故採其大都首列如左以爲觀察修省之助云

夏津縣志

卷之一

三

以觀妖祥

鄭康成註星土星所主土春秋傳曰參爲晉封域於星亦有分焉十二次之分星紀吳越也元楊

秦也

鄭也鄭火周也鄭尾楚也鄭星鄭也大火宋也鄭尾楚也鄭

經星分野

漢晉天文志所載各國郡縣甚詳摘錄其近邑境者下同

漢書天文志趙地昴畢之分野也北有信都東有清河

南至斥邱齊地虛危之分野也東有淄川東萊瑯琊高

密膠東南有泰山城陽北有千乘清河以南渤海之高

樂高城重合陽信西有濟南平原衛地營室東壁之分

野也今之東郡及魏郡

州郡分度

香書天文志自軫十二度至氐四度爲壽星於辰在辰

鄭之分野屬兗州

自寅女八度至危十五度爲元枵於辰在子齊之分野

屬青州按清類天文志自女二度至危十二度屬齊分青州

自胃七度至畢十一度爲大梁於辰在酉趙之分野屬

冀州按清類天文志自胃四度至畢六度屬趙分冀州

州郡躔次

角亢氐鄭兗州領郡國八摘錄東郡

東郡入角一度夏津自明以來皆屬東昌府卽古東郡

虛危齊青州領郡國七摘錄平原

夏津縣志

卷之一

四

平原郡入危十一度北魏初平原郡治在卽卽夏津

昂畢趙冀州領郡國十一摘錄清河

清河郡入昂九度夏津自漢至唐爲卽皆屬清河郡

州縣分野

通志東昌府夏津卽屬清河郡考之漢志清河屬昂趙也

邑舊志星土禹貢兗州之域天文虛危之次按禹貢濟

河惟兗州言兗州東南據濟西北距河也禹導河至於

大陸又北播爲九河解者謂大陸澤在鉅鹿自鉅鹿又

北歷南宮新河冀州東鹿深州衡水武邑武強阜城

縣交河青縣大城寶坻至於天津入海蓋自周定王以

前古河經流皆在今直隸境內夏津於時疑在河東則

冀謂兗州之域者似矣獨其斷爲天文虛危之次竊有

未敢以遽信者蓋虛危齊分也春秋之初齊疆不及濟

南戰國以後齊之西鄙乃至高唐威王使盼子爲守實

與趙隣趙都邯鄲公子勝之封地在今平原若思若武

並爲屬邑夏津應亦與焉趙雖不古齊亦非舊邑境屬

齊前史無徵吾烏知夏津之分野不爲昂畢趙而爲虛

危齊耶且同一夏津也於州則古屬兗而漢以後屬冀

於郡則唐以前屬清河明以後屬東昌而元魏之治平

夏津縣志

卷之一

五

原與宋隸大名元隸東平更紛紛其無定焉是將何去

而何從耶得毋州郡之麗於地者既有沿革而分星之

懸於天者亦有變遷耶不然則於紛錯之餘約畧其梗

概據漢晉之史從漢晉之郡斯通志所謂清河屬昂爲

趙分者近是特以元象運轉杪忽難稽天官家遙相推

行各持其說而不相下自非上哲誠未易訥彼伸此况

衆星野將以備修省也修省之道於此於彼雖屬疑似

豈厭多乎故取其近於邑境者並錄之以俟博識且以

告世之克謹天戒者亦正不必斤斤較量於尺寸之間

也